

## Universitätsbibliothek Paderborn

**R. P. Cornelii Hazart Societatis Iesv Theologi Discursus  
Morales In Selectiora Loca Genesis, Exodi, Levitici,  
Numerorum**

**Hazart, Cornelius**

**Antverpiæ, 1688**

Discvrsvs XVIII. Voluit sibi Deus offerri columbas.

[urn:nbn:de:hbz:466:1-52700](https://nbn-resolving.de/urn:nbn:de:hbz:466:1-52700)

Quod si homines in medio sacerdotalis vitæ, ac felicitatis tam  
mare gemitant propter absentiam Dei, quid ergo fecerunt illi  
qui seculo renuntiarunt.

Audite Paulum Apostolum. *Desiderium habeo*, inquit *Rom. cap. 7,*  
*dissolvi, & esse cum Christo*: Volebat liberari quia vi quasi cogebatur  
hic tandem vivere: dolebat se tandem separari à *Christo*, ex amore  
quo illum amabat.

Veniant libere omnes illæ gementes turtures, sive illi qui de-  
fent peccata aliena, seu propria, sive qui gemunt propter dilatam  
Lei præsentiam frumentum in cælo, veniant libere ut se præsentent  
ad altare, tales potissimum vult Deus sibi offerri in Sacrificium, sic  
ut olim turtures in veteri Testamento.

## DISCURSUS XVIII.

*Voluit sibi Deus offerri columbas.*

**D**UAS habet qualitates columba, propter quas, ut existimat, Deus sibi voluit illam offerri, dignamque existimavit Sacrificio divino.

Prima qualitas est, quod sit animal valde pacificum, dicunt enim Naturalistæ quod careat felle, hinc raro aut numquam videmus columbas inter se pugnantes, sicut hoc passim videmus in aliis avibus. Quid ergo mirum quod Deus hoc animali præ cæteris voluerit ad denuntiandam pacem *Noëmo* existenti in Arca? delitetur Sanctus hic vir multis mensibus conclusus in Arca, quando aquæ quæ totam terram inundaverant, cœperunt decrescere; & Arca confedit in sicco supra montes *Armenie*, quod ubi *Noë* advertit, corvum emisit ex Arca, ut videret an aquæ penitus cessasset, sed corvus non est reversus, verosimile quod cadaveribus infederit ut ea dilaceraret. Emisit ergo *Noë* post corvum duas columbas unam post alteram, quarum postrema inquit Scriptura, reversa est, portans ramum Olivæ virentibus foliis in ore suo: Oliva autem, etiam apud Ethnicos, semper fuit Symbolum pacis: Hujus ergo columba ministerio usus est Deus ut nuntiaret pacem *Noëmo*, & suo ramo Olivæ ostenderet jam Deum placatum, interque illum & homines pacem esse conclusam. Numquid *Noë* prius emiserat corvum? cur ergo hoc animali Deus non est usus ad pacem ferendam?

dam? quia animal ferox est, & carnivorum: Melius ergo ad hoc elegit columbam, quæ quia naturâ pacifica, aptior erat ad pacem annuntiandam.

Altera qualitas columbæ est velocitas in volando: Hinc optat Propheta David *Psal. 54* sibi dari pennas columbæ, ut quam cito mœ volaret ad Deum.

Quisquis ergo has qualitates habuerit, pacificus fuerit, & velox in agendo, aptissimus est ut offeratur Deo in Sacrificium, sicut enim ipse est Deus pacis, sic nihil magis amat quam pacem. Hoc punctum primo assumentamus.

Maximam esse oportet excellentiam pacis, cum Deus ipse hoc nomine gloriari voluerit, dicente *Paulo*, qui illum sæpius vocat in suis epistolis, *Deum pacis*; & quando *Isaias cap. 9* Prophetat Christi adventum in mundum, *vocabitur*, inquit, *Princeps pacis*: Hinc cum nasceretur in *Bethlehem*, hoc primum & unicum Angeli cecinere; *Pax hominibus*, quia jam venit *Princeps pacis*, imo ipsa pax: Sed sicuti quando veniebat in mundum, prima virtus quam commendavit hominibus, pax fuit, sic cum è mundo discederet, eadem virtus postrema fuit quam pro Testamento reliquit Apostolis, dicens: *Pacem relinquo vobis, pacem meam de vobis*. Hinc necessario sequitur excellentissimam hanc esse virtutem, quam *Christus* voluit esse initium & finem totius vita Christianæ.

2. Ejus excellentia patet ex hisce duobus capitibus. 1. Quod nihil sine illa possit esse perfectum. 2. Quod ipsa natura sine illa non possit subsistere.

De primo ait *D. Augustinus lib. 19 de Civit.* Pax, inquit, omnis ordinis tranquillitas est: Sed ubi ordo deficit, ibi non est perfectio; Ergo ubi pax non est, ibi non est perfectio; deest enim aliquid quod ad perfectionem rei requiritur.

Exemplis manifestum hoc fiet. Pax corporis nostri, est bonum temperamentum inter humores vel membra, si unus tantum humor extra mensuram vel ordinem est, aut unum membrum latsum, corpus ægrotat.

2. Pax inter corpus & animam, est bene ordinata concordia inter utrumque, ita ut corpus subiectum sit animæ, & Passiones ratione: Si ordo ille frangatur, continua luæta est inter corpus & animam, ubi autem luæta, ibi tranquillitas esse non potest.

3. Pax inter homines, est quidam consensus communis ad omnia

omnia quæ decent, tolle hunc consensum; tota hominum societas nihil est aliud quam confusio, & tumultus, & bella.

4. Pax inter Deum & homines, est subje<sup>c</sup>tio hominis Deo, ejusque voluntati ac legi, tolle hanc subjectionem, inimicitiae insurgent Deum inter & homines.

Atqui ubi morbi sunt, & inquietudines, & tumultus, & bella, & inimicitiae, ibi non est perfectio: Ergo ubi non est pax, aliquid deest perfectioni quam res requirit, consequenter nulla res sine pace potest esse perfecta.

Dixi 2. ne quidem aliquid in ipsa natura sine pace posse subsistere. Concordia enim vinculum est totius naturæ, rerumque prorsus inter se dissimilium, imo & sibi invicem repugnantium consenso.

1. Quanta differentia inter motum Solis, Lunæ, & aliarum Planetaryarum, in tanta tamen dissimilitudine tanta concordia est, ut illos *lib* comparaverit musicæ: Sicut ergo in musica voces maxime dissonantes, una altior, alia submissa, alia subtilis, alia crassa, maximam ac suavem concordiam faciunt, sic est in motibus Planetaryarum. Verumtamen sicut in musica, si unicus tantum tonus cum altero non convenit, musica non valet, eodem modo si in motu calorum minimum quid deesset, tota natura mox pateretur, ergo natura non potest sine concordia ac pace subsistere.

Quis nescit quanta sit repugnancia inter quatuor Elementa? ignis est calidus, aqua est frigida, aëris est humidus, terra est sicca: Sed divina providentia hæc ita disposuit ut aëris effet inter ignem & aquam, aqua vero inter terram & aërem, hinc fit ut vivant in pace: Aëris enim temperat calorem ignis & frigus aquæ sua humiditate, & aqua temperat siccitudinem terræ, atque ita ex tali discordia qualitatum oritur tanta concordia, ut in ea natura tota consistat.

Hinc concludo. Si tanta pax & concordia necessaria sit in rebus sensu parentibus & ratione, quam necessaria erit creaturis rationalibus? Hæc enim inter se agunt & vivunt, ergo animo concordes esse oportet, alioquin non est societas hominum, sed confusio beluarum. Quot enim Republicæ periere, per discordias, maximæ res fracta pace dispereunt.

Nati sunt homines ut sibi mutuo opem ferant; hinc omnia sicut natura disposuit ut uni abundet quod alteri deest: Dotes enim tam corporis quam animæ non sunt æquales in omnibus: Unus bono

VVV

inge-

ingenio est , alter meliori judicio . Hi excellunt in animositate ; illi industria , isti in scientia , alii experientia , alii eloquentia , alii in dando consilio . Adeoque quod ille vel isto exequi non potest , adjutus ab aliis potest . Verum quando discordia intervenit , & alter separatur ab altero , quisque in particulari non sufficit , vel ut se defendat , vel servet , atque ita pereunt non tantum familiae , sed etiam totæ respublicæ & Regna . Hæc spectant politicum statum .

Quod vero attinet ad moralia ; tres sunt species pacis sine quibus homines nec moraliter , nec honestè vivere possunt . Primo enim pacem habere debent cum Deo . 2. Cum seipsis . 3. Cum proximo . Hæc à se invicem ita dependent , ut nemo secum pacem habere possit , qui non habet cum Deo , nemo cum Deo , qui non habeat pacem cum proximo .

Ac primum quidem certum est peccatores non habere pacem cum Deo , ait enim *Iob cap. 9* : *Quis Deo restitit , & pacem habuit ? At qui peccatores , violando Dei præcepta illi resistunt ; dicunt enim , ut olim *Iudei* : Non serviemus tibi : Ergo peccatores non habent pacem cum Deo , sed sunt capitales ipsius hostes & transfugæ ad castra diaboli .*

In hoc ergo consistit pax cum Deo ut omnes ipsius voluntates adimpleamus , illi obsequamur ut probi filii , & serviamus ut milites fidei . Aut si aliquando rebelles fuerimus , aut transfugæ ; abjecimus arma quibus Deum oppugnavimus , & reconciliemus nos illi , ut deinceps militemus sub Crucis vexillo .

Jam vero in quo pax cum nobis ipsis consistat , docet *Augustinus lib. 1 , de Serm. Dom* : Hæc pax , inquit , in eo sita est , ut homo omnes suas potentias habeat ritè ordinatas , nempe ut inferior pars subjiciatur superiori , hoc est , corpus spiritui .

Est enim continua lucta inter carnem , quæ est pars inferior hominis & inter spiritum qui pars superior est . *Caro* , inquit *Paulus* , concipit adversus spiritum , & spiritus adversus carnem . Neuter vult cedere . *Caro* suo pondere conatur spiritum deprimere ad ea quæ terrena sunt , spiritus contra carnem elevare ad cælestia . Deinde semper trahunt sensus nostri ad ea quæ corporeas voluptates spectant , potentiae vero animæ , ingenium quæ & ratio , ad spiritualia : *Quis modus ut quis in tanta ac continua lucta secum habeat pacem ?*

In hac vita , inquit *Augustinus lib. 1 Retract. cap. 19* , nemo liber esse potest

potest à lucta inter carnem & spiritum, sed nemo est qui per gratiam Dei, resistendo, luctam illam non possit superare, & pugnando vixit evadere, sic carnem subjiciat spiritui, quantum patitur humana infirmitas. Quisquis hoc facit, pacem habet secum.

Quemadmodum enim Rex aliquis, qui bella gerit, pacem habere non potest, nisi vires hostium pugnando & vincendo penitus frangat, & sub potestatem redigat, sic nullus homo pacem secum habere potest nisi carnem, hostem suum capitem, subjiciat anima, & cupiditates rationi, quantum, ut modo dixi, patitur humana infirmitas. Quamvis enim aliqui motus inordinati vel à carne, vel à diabolo, vel à corrupta natura excitentur, ideo tamen dici non potest quod homo non habeat secum pacem, modo praeceps animæ nostræ potentia, intellectus & voluntas, iis non succumbant, sed resistant.

Sic dici non potest civitatem aliquā gerere bellum adversus Regē quando unus dumtaxat aut alter civis tumultuatur; sed quando Magistratus, aliqui rectores civitatis cum illis conspirant: Ut aliquando in homine non tumultuetur una alterave concupiscentia, fieri, inquit *Augustinus*, in hac vita non potest, non ideo tamen animi pacem amisit, quamdiu bonam ac fortē retinet voluntatem: Et hoc est quod nato *Christo* canebant Angeli.

*Pax hominibus bona voluntatis.* Hanc ergo pacem eripere non potest diabolus, nec caro, nec mundus, quamdiu voluntatem captivam non dicunt. Illa si supereminet, extra ictum est, frustra latrat diabolus, frustra tumultuatur caro, frustra vociferatur mundus, turbare animi pacem non possunt dum voluntas supra illos est. Plane sicuti vertex montis *Olympi* ubi tanta quies, ut quod inscribitur arenæ, etiam post annum deprehendatur ita perstiffe, ut ne arenula quidem fuerit mota: Reboant tamen circa montem tonitrua, micant fulgura, cadunt imbræ, perlant venti, nihil efficiunt, quia vertex montis supra omnia ista est, & supereminet. Voluntas hominis suprema facultas est, ubi gratia Dei accesserit, turbari non potest, laedi non potest, nisi seipsum infra diaboli pedes abjecerit.

Videamus modo in quo pax cum proximo nostro consistat. Dico verbo uno, sitam esse in hoc ut dissimiles illius defectus quando ad te non pertinet illos carpere. 2. Ut numquam male loquaris de eo. 3. Ut molli responsō illius iracundiam frangas.

Vvv 2

4. Ut

4. Ut amorem illi exhibeas quando in necessitate est. Denique ut inimicis tuis non noceas. Hæc breviter.

Jam ostendo quod una pax sine altera non possit subsistere. 1. Nihil est quod pacem hominis magis turbet quam peccatum; hinc enim timores vel æternarum vel temporalium poenarum, hinc remorsus conscientiæ, anxietates de die, terrores de nocte, & sæpius desperatio. Sed qui peccat non habet pacem cum Deo, quia hostis est Dei: Ergo qui ratione peccati secum pacem non habet, non potest habere pacem cum Deo.

2. Qui non habet pacem cum Deo, non potest etiam pacem habere cum proximo hæc enim pax in amore consistit: Atque D. Ioannes dicit, quod qui non diligit fratrem suum, non diligit Deum: Ergo qui non habet pacem cum Deo, non habet pacem cum Proximo.

Hisce positis ille solus mansuetus dicendus est qui & secum, & cum Deo, & cum proximo pacem habet: Voluit ergo Deus columbas, mansuetum animal offerri sibi in veteri Testamento, ut significaret mansuetos homines sibi gratissimum fore Sacrificium in novo. Singulariter enim amat Deus pacificos & mansuetos quia Deus pacis est.

## DISCURSUS XIX.

*Voluit sibi Deus offerri capreas.*

**I**ntra cætera animalia capream, præsertim sylvestrem, velocitate præstare ex pluribus Scripturæ locis colligere licet; ac primum quidem ex *Cant. 2*, ubi sponsa dicit de sponso: *Similis est dilectus meus caprea, saliens in montibus, transiliens colles: Caprea, inquit, expedita, celerrima est in montibus, uno enim saltu ex uno colle transflit in alium, quamvis ab alio aliquot passus, aliquando sexagenos pedes, ut ait, Marcus Varro lib. 2 de re rustica, distantem. Hanc quoque celeritatem explicans Ecclesiasticus cap. 27: Effugit, inquit, quasi caprea de laqueo.* Denique ut *Scriptura lib. 2 Reg. cap. 2*, explicet quam velox fuerit *Azel* unus ex fortissimis *Israëlitis: Azel*, inquit, *cursus velocissimus fuit, quasi unus de capreis que morantur in sylvis.*

Hoc

